

# მწყმსი

მწყმსიან კეთილმან სული  
თვის დაჰსდვის ცხოვართათვის  
იონ. 10—11.

№ 9—10

1883—1910 წ.

ივლისი 31

## ზ ი ნ ა ა რ ს ი.

**სალიტერატურო განმარტება:** რატომ არის ასე გაძნელებული საღმრთო და საეკლესიო დთვის მსახურების წიგნების ბეჭდვის საქმე ჩვენში? დეკ. დ. დამბაშიძისა.—ვისილ ნიკოლაშის ძე ჩერქეზიშვილის დასაფლავება.—ფინლიანდიის კანონ პროექტი სახელმწიფოს სათათბირო და საბჭოს მიერ მიღებული,—ხალხის შესასწავლად.—უფროს გაზეთთაგან.—ახალი ამბები და შენიშვნები.

**სწავლა და მცნეიარება ძრისტიანოზრივ სარწმუნოებასა და კეთილ ჯნოზაზე:** გარდამოსვლა სული-სა წმიდისა.—განცხადებანი

### რატომ არის ასე გაძნელებული საღმრთო და საეკლესიო დთვის მსახურების წიგნების ბეჭდვის საქმე ჩვენში?

გაგრძელება<sup>1)</sup>

ყველანი ფიქრობდენ, რომ ჩვენი საღმრთო და საეკლესიო წიგნების ბეჭდვის საქმე გაუმჯობესდებოდა კანტორის ხელში, მაგრამ ყველანი მოტყუვდენ. ჟამნი, რომელიც მოსკოვში დაბეჭდილი შეიღ აბაზად იყიდებოდა თფილისში დაბეჭდილი კანტორის თაობით დაიწყეს ყიდვა ორ მანეთად და 80 კაპეკად, კონდაკი, რომელიც წინეთ მანეთად და ორ აბაზად იყიდებოდა კანტორიდან ყიდულობდენ ორ მანეთზე მეტად. ყველა წიგნებს მოუმატეს ფასი. უბედურება იყო, რომ ფასების მომატებამც არა უშველა რა საქმეს. 1885 წელში დაიბეჭდა ჟენი და სხვა საჭირო წიგნები. ყველა დაბეჭდილი გამოაწერიეს, უნდოდათ თუ არა, ქართლ-

კახეთის ეკლესიებს, თითო ეკლესიას ორ-ორი ეკზებლიარი და ამით დახარჯული ფულებიც მალე აიღეს და სარგებელიც. მაგრამ დანარჩენნი ეპარქიის სამღვდელოებას სრულებით აღარ შეეძლო ჟენის ყიდვა. 1885 წლიდან უკანასკნელ 1898 წლამდე აღარსად არ იყიდებოდა ჟენი და კონდაკი.

ყოველ ადილას გაუმჯობესდენ სტამბები, ყოველ ადილას გაიფდა და გაადვილდა წიგნების ბეჭდვის საქმე. ჩვენში კი უფრო და უფრო გაძნელდა და გაძვირდა. რამ გააძვირა და რამ გააძნელა წიგნების ბეჭდვის საქმე ჩვენში? გაბედულად შეგვიძლია ვსთქვათ, რომ წიგნების ბეჭდვის საქმე გააძნელდა და წიგნების ფასებსაც ფასი მოემატა იმიტომ, რომ კანტორამ წიგნების ბეჭდვის საქმე ვერ დააყენა რიგიანად. ყველაზე დამნაშავე კანტორაში ამ საქმეში იყო პროკურორი, რომელიც წიგნების ბეჭდვის საქმეს განაგებდა სპარსეთის შახის კანონებით. ამ პროკურორს აუცილებელ საჭიროდ მიიჩნდა, რომ საღმრთო და საეკლესიო წიგნები დაბეჭდილიყო ხელაძისაგან. დაკანონებული იყო ყველა

<sup>1)</sup> იხილეთ „მწყმსი“ № 7—8



წიგნების ბეჭდვა ხელაძის სტამბაში. წიგნების ფასის მომატება ამ პროკურორს არ აწუხებდა, რადგან იმედი ჰქონდა, რომ ვერც ერთი მღვდელი კრინტს ვერ დასძრავდა წიგნების სიძვირზე.\*)

უწმიდესი სინოდის ობერ-პროკურორის წინადადებისამებრ სინოდალნი კანტორის პროკურორი ანდრეევი დათხოვნილ იქმნა შტატგარეთ. ეს დათხოვნა მოხდა საქართველოს ექსარხოსის მთავარ ეპისკოპოსის პალლადის წერილების გამო, რომელ წერილებში ობერ-პროკურორს აცნობა პროკურორის ანდრეევის მოქმედება შესახებ ძვირფასი ქვეების დაკარგვისა მარტვილის და შემოქმედის მონასტრის ხატებიდან. პროკურორი ანდრეევი ოფიციალურად შეურიგდა ერთ ვინმე საბინგუს ამ ხატების განახლებაზე და ვერცხლის ზოდის მისცა ამ საბინგუს ორ დასამ ღეროვანი შანდლების გასაკეთებლად. ანდრეევი ურიგდებოდა საბინგუს იმ პირობით, რომ უფასოდ უნდა გაეახლებია ეს ძვირფასი ხატები და თუ საქიროდ დაინახავდა საბინგუსი შეეძლო ძვირფასი ქვების მაგიერ ყალბი ხელოვნური რამ გაეკეთებინა და ამისათვის მას პროკურორი პასუხს არ მოსთხოვდა. როცა უვაროვის ქალმა ეს ძვირფასი მედალიონები ნახა კერძო პირების ოჯახში და მიხვდა საიდანაც იყო წაღებული განრისხდა და მთელი სამღვდლოება საქსარხოსოსისა გალანძღა. ექსარხოს პალლადის მისწრვა წერილი და ეკითხებოდა: „როდის დასრულდება ქართველთ სამღვდლოებისაგან ძვირფასი ნაშთების, თვლების და ხატების ქვების და მედალიონების ცარცვა გლეჯაო? ეს წერილი გადმოგვცა ჩვენ დასაბეჭდად, მაგრამ „მწყემსში“ ჩვენ ეს წერილი არ დავბეჭდეთ. ჩვენ ვაცნობეთ საბინგუსთან შეკრული პირობა პროკურორისა ხატების განახლების შესახებ და

\*) ერთ დროს განიზრახეს საპარაკლისო წიგნის დაბეჭდვა. ფასი ამ წიგნის იყო დაკანონებული ერთი მანეთი. ვაბუდა და მოახსენა პროკურორს ერთმა მღვდელმა გურგენიძემ, რომ თუ ნებას მისცემენ იგი დაბეჭდავს სამ სამ აბაზად ამ საპარაკლისო წიგნს. ამაზედ თხოვნაც შეიტანა პროკურორთან, ეს პროკურორი იყო ანდრეევი. პროკურორმა გურგენიძის თხოვნაზე შემდეგი რეზოლიუცია დაწერა. „გამოცხადლს მღვდელს გურგენიძეს, რომ მას ნება ეძლევა თავთუხის პურის ქბილისაგან გამოაცხოს ლავაშები და კიდევაც შეუძლია ეს, რაიცა შეეხება საპარაკლისო წიგნების ბეჭდვას ეს მისი საქმე არ არის და არც შეუძლია.“

ანდრეევიც დაითხოვეს. მაგრამ ძვირფასი ნივთები მისი დათხოვნით უკან არ დაბრუნებულა. ბოდიშ ვითხოვ მკითხველთან, რომ ჩვენ კითხვას გადავცდით.

შემდეგ ანდრეევისა პროკურორად დაინიშნა დიდხანს წამსახური კანსისტორიის მდივნად მყოფი და თავის დროზე, მართლა, სახელ განთქმული კაცი. ბევრ რამეს მოველოდით ყველანი ამ კაცისაგან პროკურორობის დროს. მეც სხვათა შორის გამოვეცხადე ამ კაცს და მიულოცე საპატივო თანამდებობის მიღება. შემდეგ გავაცვნი ჩვენი სამღვდლოების ზოგიერთი საქიროება და იმედი გამოვაცხადე, რომ იგი მიაქცევს ყურადღებას და დასრულებს სამღვდლოების მოლოდინს. ბოლოს დაწვლილებით უამბე ჩვენი საეკლესიო წიგნების გაძნელებული ბეჭდვის საქმე და ვსახოვე, რომ იგი როგორც დიდი ხნის გამოცდილი კაცი წიგნების ბეჭდვის საქმეს დააყენებს რიგიანად. ყველა ჩემს სიტყვებზე იტყოდა ხოლმე—очень приятно! დიდათ სასიამოვნო არისო! არ დამიტოვებია არც ერთი კითხვა, რომ არ მომეხსენებოდა და არ მეთხოვოს მათზე ყურადღების მიქცევა. ისიც, სასიამოვნო იქნებოდა თუ სამწუხარო რამე, ყველაზე მეტყოდა ხოლმე: очень приятно-ვო. ამ სიტყვებმა ცოტა ეჭვში შემიყვანეს და გავჩუმდი. ცოტა ხნის სიჩუმის შემდეგ პროკურორმა შითხრა: „ეს ყველა არაფერია, შეიძლება გასწორდეს, მაგრამ ვერ გამოგია რატომ არის, რომ აქ ყველას გვარი თავდება შვი—შვი—შვი—შვილით და ძძძით, რატომ გვარებს არ აბოლოებენ აგათ და ევით?“ მე გავოცდი და მოვახსენე: შვილი და ძესწორედ იმას ნიშნავს რასაც ნიშნავს ევი და ავი რუსულად. ამის მეტი ხმა აღარ ამომიღია. პროკურორიდან წამოსული გამოვეცხადე ექსარხოსის პალლადის, რომელიც აქებდა ამ პროკურორს სანამ მოვიდოდა აქ. გაბებულად მოვახსენე პალლადი..

—მე გახლდით ახალ პროკურორთან და მისმა მსჯელობამ გამოაცა მეთქი.

—დიად, მეც შევნიშნე რაღაცა ახირებული მსჯელობა, მაგრამ ეს კავკასიის სიციხის ბრაღია. მე ვფიქრობ, რომ აქაურმა სიციხემ იმოქმედა მასზე ცუდათ, ბრძანა პალლადიმ.

ამ პროკურორმა მიიღო დეისტვიტელნი სტატსკის სოვეტნიკობა, რადგან კანსისტორიის მდი-





ვანს არ შეუძლია მიიღოს ეს ხარისხი, დაენიშნა გენერალის პენსია და ისეც მეტი, რადგან კავკასიაში იმსახურა ერთი წელიწადი და წავიდა პეტერბურღში, იქ ერთი თვის შემდეგ განისვენა საუკუნოდ...

ჩვენ დაფრჩით უპროკუროროდ და წიგნების ბეჭდვის საქმეც ძლიერ შეფერხდა.

დიდ ხანს არ გაუვლია, პროკუროროდ დაინიშნა ვინმე რუშჩინსკი ობერ-სეკრეტრად ნამსახური სინოდის კანცელარიაში. ეს კაცი პატიოსანი იყო და რასაც შეიძლება თავს არ იზოგავდა. ერთ დროს 1894 წელში ქუთაისში სემინარიის გახსნის გამო მოვიდა უწმიდესი სინოდის ობერ-პროკურორის ამხანაგი ვლადიმერ კ. საბლერი. ერთად მოვდიოდით თფილისიდან ქუთაისში. ამ დროს სხვათა შორის დაწვლილებით განუმარტე ის თუ რა აბრკოლებს ჩვენი საეკლესიო წიგნების ბეჭდვის საქმეს და ჩემის მხრით მივეცი რჩევა ამ წიგნების ბეჭდვის შესახებ. საბლერმა დაავალა წიგნების ბეჭდვის საქმეში დამკითხებოდა ყოველთვის სინოდალნი კანტორის პროკურორი.

მე ურჩიე პროკურორს, რომ წიგნების ბეჭდვა მიეცა ვაჭრობით და მიეცა მისთვის ვინც ნაკლებ ფასებში დაბეჭდავდა. პროკურორმა ყველა სტამბებს გამოუცხადა და მოითხოვა სტამბებისაგან ვინ რამდენ ფასებში დაბეჭდავდა წიგნებს. სტამბებმა განაცხადეს სურვილი რომ ორი მანეთით და მანეთ ნახევრით ნაკლებ დაბეჭდავენ ჩვენს საეკლესიო წიგნებს. თითო წიგნზე მანეთ ნახევრის და ორი მანეთის დაკლება, რასაკვირველია, დიდი საღვათია. როცა ეს ფასები შეიკრიბა სტამბებიდან ე. ხელაძემ ჟაენის და კონდაკის ფასებს, როგორც წინათ ბეჭდავდა მანეთ ნახევრით და ორ მანეთობით დაუკლო. ჟაენის დაბეჭდვა აიღო მანეთ ნახევრად თითო წიგნი თუ ათას ორასზე მეტი არ იქნებოდა და თუ მეტი დაიბეჭდებოდა კიდევ უკლებდა ფასს. რუშჩინსკის პროკურორობის დროს დაიბეჭდა ჟაენი, კონდაკი და მარხვანი ხელ მისაწდომ ფასებში, ეს მოახდინა წიგნების ვაჭრობით ბეჭდვის გაცემამ. დარწმუნებული ვარ ჩვენი საეკლესიო წიგნების ბეჭდვა უფრო გაადვილდებოდა და გაიადვილებოდა, რომ, პროკურორი რუშჩინსკი დარჩენილიყო ჩვენს კანტორაში, მაგრამ იგი გადაიყვანეს

თფილისის კანტორიდან და წიგნების ბეჭდვის საქმეც მიუჭრა. დღეს ყოველ ადგილას დაეძებენ, კითხულობენ, ერთ ორ ფასს იძლევიან, რომ იშოვნიდენ დავითნს და კურთხევანს, მაგრამ აგერ თითქმის ორი მეტი წელიწადი გადის და წიგნი არსად არ არის. უბედურობა ის არის რომ დღეს აღარც გადამწერები არიან, თორემ გადააწერინებს მაინც კაცი! დავითნი, რომელიც ჩვენში მანეთად და ორშაურად იყიდებოდა და რომელსაც სინარულით დაბეჭდავენ ათ შაურად, ველარ შოობს კაცი. ასეა გაძნელებული საეკლესიო წიგნების ბეჭდვა. ნიკონის ექსარხოსობის დროს მიმართეს სხვა წეს წყობილებას ჩვენი წიგნების ბეჭდვის შესახებ, რომელითაც ფიქრობენ ჩვენი წიგნების ბეჭდვის საქმის გაადვილებას, მაგრამ ეს უარესად გაძნელებს წიგნების ბეჭდვას. ამაზე შემდეგ.



დკე. დ. ღამბაშიძე.

**ვასილ ნიკოლოზის ძის ჩიკაძეის შვილის დასავლავიბა.**

როგორც მოსალოდნელი იყო, განსვენებულ ვასილ ნიკოლოზის ძის ჩიკაძეის შვილის დაკრძალვას დიდ ძალი ხალხი დაესწრო. ჯერ ისევ დილით გოლოვინის პროსპექტისა, კიროჩნის ქუჩისა და თვით მიცვალეზულის ბინასთან დიდ-ძალი ხალხი ჯგუფ-ჯგუფად დამდგარიყო და ელოდა, როდის გამოივლიდა პროცესია. მიუხედავად იმისა რომ დიდ ძალი ხალხი სოფლოდ და საგარეკოდაა წასული, მაინც სამგლოვიარო პროცესია მრავალრიცხოვანი იყო. სწორედ დილის 9 საათი იყო, როდესაც მიცვალეზულის გვამი სახლიდან გამოასვენეს ქალაქის, გამგეობის წევრებმა. პროცესია გაემართა ელისაბედის ქუჩიდან ქსენისა, მიხეილისა, კიროჩნისა და გოლოვინის პროსპექტით. გვერდებზე ამქრის წარმომადგენელთ მიჰქონდათ ამქრის ბაირაღები. პირველად მიჰქონდათ ხავერდის ბალიშზე დადებული მოურავის ძეწკვი, შემდეგ



ვერცხლისა და სხვა გვირგვინები. გვირგვინებს მის-  
დევდა ქართული ხორო, ქულაჯებში გამოწყობი-  
ლი და ექსარხოსის ხორო, შემდეგ ორკესტრი,  
რომელიც სამგლოვიარო მარშს უკრავდა. იყო  
გვირგვინები ვერცხლისა, ცოცხალ ყვავილებისა  
და ლითონისა. კუბო სახლიდან სიონის ტაძრამდე  
და შემდეგ დიდუბის ეკლესიამდე ხელით მიჰქონ-  
დათ ქალაქის მოსამსახურეთ და პატივისმცემელთ.

ქალაქის თვითმართველობის შენობის წინ,  
ერევნის მოედანზე პროცესია შეჩერდა, მიცვალებ-  
ული დაასვენეს და მცირე პანაშვიდი გადუხადეს  
პროცესია გზა და გზა თან და თან იზრდებოდა.  
შესახვევში ხალხი ჯგუფ ჯგუფად დამდგარიყო და  
პროცესია, რომ გაივლიდა ჯგუფები უერთდებოდა.  
სიონის ტაძართანაც დიდძალი ხალხი შეგროვი-  
ლიყო. სიონში მწირველი იყო ბაქოს ეპისკოპოსი  
გრიგოლი და თანამწირველნი არქიმანდრიტები: ან-  
ტონი, დოსითეოსი, პიროსი, სიონის ტაძრის კრე-  
ბული და ქალაქის სამღვდლოება. იყო აგრეთვე  
სომხის ეპისკოპოსი, მღვდლები, მონაზვნები და  
მაჰმადიანთა სასულიერო პირნი. წირვა და წესის  
აგება დიდხანს გაგრძელდა. წირვის შემდეგ სიტ-  
ყვა წარმოსთქვა ძღვდილმა ჩეკურაშვილმა, დუშე-  
თის მაზრის თავად-აზნაურთა წინამძღოლმა გურა-  
მიშვილმა და ეპისკოპოსმა გრიგოლმა. ჩეკურა-  
შვილმა მშვენიერ სიტყვაში აღნიშნა; რომ სიონის  
ძველი ტაძარი, ეს ქართველი ერის დიდება—უბე-  
დურების მოწამე უკანასკნელ ლოცვა-კურთხევით  
ისტუმრებს ყოვლად სათნო და საზოგადოებისათვის  
სასარგებლო ადამიანის ნეშტს. შემდეგ ჩეკურაშვი-  
ლი შეეხო განსვენებულის ღვაწლს ქალაქის წინა-  
შე და დიდის პატივით მოიხსენა ვ. ნ. ჩერქეზი-  
შვილის სამსახური 1905 წელში, როდესაც ორი  
მეზობელი ერი ერთი-მეორეს დასდგომოდა და  
ძმათა სისხლი იღვრებოდა. ცხოვრებას მოველინე-  
ბიან ხოლმე ისეთი ძლიერი და მტკიცე ხასიათის  
პიროვნებანი, რომელნიც ხალხის ყურადღებას იმ-  
სახურებენ, და განსაკუთრებულ სათნოებისა გამო  
ყველა სიყვარულით შეჰყურებს და ენდობა, სჯე-  
რა მისი ყველაფერიო.

სიტყვა წარმოსთქვა აგრეთვე გურამიშვილმა.  
მან აღნიშნა მოკლედ ვ. ნ. ჩერქეზიშვილის სამსა-  
ხური საზოგადოებრივ ასპარეზზე. მოაგონა, რომ  
ჯერ ისევ 80 და 90 წლებში უხდებოდა განსვენე-

ნებულს მოღვაწეობა და მაშინ კი არ ახსოვს თუ  
როგორ უარყოფით ეპყრობოდა ყველა საზოგა-  
დოებრივ ინიციატივას და სამსახურს. თავად-აზნა-  
ურთა სახელით მწუხარება ბამოაცხადა სასარგე-  
ბლო ადამიანის დაკარგვის გამო. ეპისკოპოსმა  
გრიგოლმაც დაახასიათა განსვენებული. მან არ  
იცოდა არც ქართველი, არც რუსი, არც სომეხი  
და არც თათარი. ყველას ერთნაირად განურჩე-  
ვლად ეროვნებისა ემსახურებოდა. გრიგოლმა  
სიამოვნებით აღნიშნა რა მცხოვრებთა მიერ ესოდენი  
პატივისცემა განსვენებულისადმი, გვირგვინების მირ-  
თმევა, სთქვა, სამწუხაროა, რომ ამდენ გვირგვინებში  
არც ერთი ხატი არაა, არც ღვთისმშობლის ხატიო.  
მშვენიერი იყო, მგრძნობიერი და გაბედული ა. ი.  
ხატისოვის სიტყვა. გარდა იმისა, რომ მშვენიერად  
დაახასიათა განსვენებული, ხატისოვმა მიმართა  
ხალხს: „ტფილისის მოქალაქენო, შეჰფიცეთ მიცვა-  
ლებულს სანამ ჯერ მიწა არ მიჰყრია, რომ თქვენ  
არ უღალატებთ იმ საქმეს, რომელსაც განსვენე-  
ბული ემსახურებოდა — ქალაქის თვით-მართვე-  
ლობის გადემოკრატების საქმესაო. ხატი-  
სოვს ბოლოს გული შეუჩრქოლდა და წყლით მო-  
აბრუნეს. სხვა ორატორების სიტყვებიც ახასია-  
თებდა განსვენებულს. სალამოს 4 ნახ. საათზე  
მიცვალებული მიწას მიაბარეს და ყველა გულ-  
წრფელად დანადგლიანებული — რომ სამუდამოდ  
გამოეთხოვენ კეთილ ადამიანს, თავდადებულს პა-  
ტიოსან მუშაკს — გამოაბრუნდა უკან. განსვენებულის  
კუბოს ამკობდა დიდძალი გვირგვინები, რიცხვით  
70 მეტი. ქალაქებისა, განმანათლებელ საზოგა-  
დოებათაგან, ვაქართაგან, ტფილისის გუბერნიის  
თავად-აზნაურთა წინამძღოლისაგან, ტფ. მაზრის  
თავად-აზნაურთა წინამძღოლისაგან, რუსულ გაზეთ  
„კავკაზი“ და „ზაკავკაზი“ და „კურიერ კავკაი-  
საგან“, სომხურ გაზეთებისაგან, ქალაქის მუშათაგან,  
ტრამვაის მუშებისაგან და სხვა და სხვა.

მოგვყავს აქვე ბ. ხატისოვის და მერკვილაძის  
სიტყვები:





# ა. ი. ხატისოვის სიტყვა

(გ. ნ. ჩერქეზიშვილის დასაფლავებაზე წარმოთქმული).

ტფილისის მოქალაქენო! დღეს ჩვენ მიწას ვაბარებთ ყველასათვის საყვარელ და პატივცემულ ქალაქის მოურავს ვასილ ნიკოლოზის ძეს ჩერქეზიშვილს. ათასი და ათი ათასი ქალი და კაცი მოვიდა აქ, რომ უკანასკნელი მოვალეობა მოეხადა განსვენებულის წინაშე. ყველამ ნახეთ, თუ როგორ ერთი მეორეს აცლიდა დაბებრებულ და დაკოჟრებულ ხელებით, რომ კუბო საუკუნო განსასვენებელ ადგილამდე მიეტანა. ეს იყო მშრომელი ხალხი, მუშები, ნოქრები, წვრილი მოსამსახურენი რომელთაც საშუალება ჰქონდათ შეემსუბუქებინათ პირადი ცხოვრება. ვასილ ნიკოლოზის ძეს ჰქონდა უნარი აღმოეჩინა ადამიანთა ტკივილები, რომ შემდეგ იარები განემთელებინა. რამდენჯერ უშუამდგომნია, უთხოვნია და უმუდარებია შეემსუბუქებინათ მათი ხვედრი, რომელნიც ასე თუ ისე რაიმე უბედურებაში ჩაცვივდნენ. აგერ ეხლაც სასაფლაოს კარებთან გადმომცეს დეგემა შორეულ ციმბირიდან, საიდანაც განსვენებულს ატყობინებენ, შუამდგომლობა დაპატიმრებულის მდგომარეობის შესამსუბუქებლად შეწყნარებულ იქნა გუბერნატორის მიერო. ეხლაც კი, როცა უსულოდ კუბოს ასვენია თითქოს შვებას უგზავნის ტანჯულთ. მაგრამ რა უნდა გითხრათ ვასილ ნიკოლოზის ძეს ისეთი, რაც თქვენ არ იცოდეთ, და არ გამოგეცადოთ? დღეს სამუდამოთ მიწას ვაბარებთ ამ ძვირფას ადამიანის გულს. გარდაიცვალა ვასილ ნიკოლოზის ძე! მოკვდა ფიზიკურად, მოკვდა ისე, როგორც ჰკვდებიან ყველა ადამიანები, დიად აზრის მატარებელნი, პოეზიის, ძლიერ სულისა და სიტყვის წარმომადგენელნი. დიად, ასინი კვდებიან, მაგრამ საქმენი მათი შვილიდან შვილზე გადასულნი, ცოცხალ არიან. იმიტომ არ შეიკრიბა ათასი და ათი ათასი კაცი, რომ სამარის კარამდე მიეცილებინა გვამი თუნდაც იდეალურად მშვენიერ ადამიანისა. არა! ეს ხალხი მოიზიდა იმ იდეებმა, რომლის შემომქმედათ ჩვენს წრეში ვასილ ნიკოლოზის ძე იყო. ამ იდეებით იყო განსვენებული ძვირფასი მთელ კავკასიისთვის. ყველას გახსოვთ

1905 წელი? მთელი ნაკადული ხალხის სურვილთა და წამებათა დაეტაკა თვითმართველობის სახლს და ვასილ ნიკოლოზის ძემ ხალვათათ გააღო კარები თვითმართველობის შენობისა და ამ მდინარემ არაფერი არ წალეკა იქ, არა გააფუჭა რა—რადგან ვასილ ნიკოლოზის ძის მოსიყვარულე ხელი საჭირო მიმართულებას აძლევდა ამ ნაკადს ზოგს საშუალებას აძლევდა თავისი სურვილი, მშვენიერ ფორმებში ჩამოსხმული, გამოეთქვა, ზოგს საქმელითა და საზრდოთი ისტუმრებდა, ზოგს კეთილის გულითა, რჩევა დარიგებითა და არავინ არ მიდიოდა გულცივად—უმაღლოდ. თითქოს თითონ ეძებდა ტანჯვა წვალებას და გაკირვებას შემდეგ ხელი გაეწვდია მისთვის. ვასილ ნიკოლოზის ძემ შესძლო საქალაქო დებულების ვიწრო ჩარჩოების გაფართოება და დემოკრატიულ საფუძვლითა სულის ჩაბერვა. ამაშია მისი დიადი სამსახური ყველას წინაშე და ეს არა მარტო ამ ქალაქში, არამედ ამის გარედაც. ჩემს თვალში ეს იყო პირველი და უკეთესი მოქალაქე მთელს კავკასიაში და პირველი დემოკრატიული ქალაქის მოურავი ტფილისში. მეორე იღეა, რომელიც განსვენებულმა დაგვიტოვა—ეს იყო იღეა კავკასიის ხალხთა სოლიდარობისა. ამ იღეას ემსახურებოდა ჩვენი ცხოვრების მეტად მძიმე წუთებშიც, ამიტომ ის ძვირფასია მთელი კავკასიისთვის განურჩევლად ეროვნებისა. შევითვისოთ ეს ორი იღეა, რომელიც განსვენებულმა დაგვიტოვა, და აქვე, ჯერედ გაუცივებელ სამარის წინაშე, ფიცი დავდოთ, რომ ყოველს ჩვენს ნაბიჯში მიყვებით მათ განხორციელებას—მაშ ღირსნი არა ვყოფილვართ ბედნიერება გვექონოდა ამასთან ერთად გვემუშავნა. დაე ყოველი თქვენგანი, სანამ რაიმე გადაწყვეტილებას დაადგებოდეს, შეეკითხოს თავის თავს: როგორ მოიქცეოდა ამ შემთხვევაში ვასილ ნიკოლოზის ძე? იგლოვეთ მოქალაქენო, იგლოვეთ თქვენც განსვენებულის შვილებო. ეგ ცრემლი მოგვბანენ ჩვენ გულზე მოდებულ უმზავსობის ჟანგს და ყოველ დღიურ ცხოვრების უფერულებას, რომელნიც ვასილ ნიკოლოზის ძეს არა ჰქონია. მშვიდობით საუკუნოდ, ძვირფასო ამხანაგო, მეგობარო და მას-



წავლებლო! ტფილისის ყველა მცხოვრებთა სახელით  
გემშვიდობები; შენი ხსოვნა აწ და მარადის უკუნითი  
უკუნეთამდე დარჩება ჩვენს გულში. მშვიდობით!

**ი. მარკვილაძის სიტყვა.**

ძვირფასო და კეთილის მყოფელო  
**ვასილ!**

სულითა და გულით შეწუხებულმა და  
ღრმად ბელოვიაზე ტფილისის წვრილმა ვა-  
ჭრებმა წარმომგზავნეს შენი ჰატიოსანი ცხე-  
დრის წინაშე რათა შევამკოთ იგი გვირგვი-  
ნით და გამოვაცხადოთ ჩვენი და მთელი  
ტფილისის წვრილი ვაჭრების უღრმესი მწუ-  
ხარება შენი ასე უღროვოდ დაკარგვის გამო!

შენი სიკეთე, ეველგან და ეოველთვის  
ხალხისადმი თავ-დაუზოგველი სამსახური  
დაუვიწარი იქმნება სამარადისოდ.

კარგად გვახსოვს, ძვირფასო ვასილ,  
როდესაც ჩვენსედ მოზღვავებულს გასაჭირს  
ვეღარ დავსძლევედით, ტფილისის წვრილ-ვა-  
ჭართა წარმომადგენლები სშირად მოგმარ-  
თავდით შეელისა და დახმარებისათვის—მე-  
ტადრე 1905 წლებში, როდესაც ჩვენი ქვეყნის  
სამიწკველი ფსკერამდინ შეინძრა და მოძრა-  
ობის ახვირთებული ტალღები, კალაპოტი-  
დგან გადმომსკდარი, აქეთ იქით ეხეთქებოდა  
და წინდამხვდართ ლეკავდა; როდესაც მთა-  
ვრობის მკაცრი რეპრესიებით სავაჭრო და-  
წესებულებათა დაკეტვას, დატუსაღებას, გზა-  
ვნა-გადასახლებას ანგარიში არა ჰქონდა,  
მომეტებულად სრულიად უდანაშაულო ხალხი  
ისჯებოდა, იჭულიტებოდა და აი მაშინ შენს

მაღალსა და სწეტაკს სულსა და გულს მო-  
სვენება ადარა ჰქონდა და როგორც კარგი  
მოჭირნახულე მამა შვილებისათვის, ისე  
მიჭქროდი იქითკენ, საიდანაც ჩვენს გასახა-  
დგურებლად მომსკდარი ნიაღვარის ლექი  
წამოვიდოდა; ჩაერეოდი საქმეში და იშკიათი  
იყო რომ გაჭირვებისათვის არ დაგემლია და  
შეჭირვებულთა გული არ კესაღმუნებინა.

ძვირფასო ვასილ! შენის მეცადინობით  
დღეს მრავალს სიცოცხლე აქვს შერჩენილი,  
მრავალი სავაჭრო-სამრეწველო დაწესებულება  
განაგრძობს წარმოებას და მრავალი გზა-  
კვალს გადაცთენილი—საქმეს დაბრუნებია და  
კეთილად განაგრძობს ცხოვრებას.

დღეს ეველა ეს მრავალი ათასი ადამი-  
ანი, რომელაც შემოხვევია შენს ცხედარს, და  
ვისაც კი სმენია სახელი და საქმენი შენნი,  
გლოვობენ და დასტირიან შენს უსულო  
გვამს, განურჩევლად ეროვნებისა, სარწმუ-  
ნეობისა, წოდებისა და რწმენისა, და ნა-  
ტრობენ რომ შენისთანა სულით მაღალი,  
გულით სწეტაკი და უანკარო თავ-დადებული  
მოღვაწე არ მოაკლდეს ჩვენს დედა ქალაქს  
ტფილისს და ჩვენ ქვეყანას.

ძვირფასო ვასილ! შენ ემსახურებოდი  
ხალხს და მას შესწირე შენი თავი, შენ  
დღეს გაგკმორდი, მაგრამ არ მომკვდარხარ  
და მუდამ ცოცხალი იქნები შენი კეთილი  
საქმით ხალხის გულში.

„არ არის მკვდარი ვინც მოკვდეს,  
და ხალხს შესწიროს დღენია,  
მკვდრად იგი თქმულა ვისაც აქ  
სახელი არ დარჩენია“.



# ფინლიანდიის კანონ-პროექტი

## სახელმწიფო სოციალიზმისა და საზღვარგარეთო მდიარეობის მიღებულნი.

1) განსამარტებლად, შესაცვლელად, დასამატებლად და გასაუქმებლად ქვემდებარე დებულებათა, მათ შორის ფინლიანდიის შესახებ განსაკუთრებულ კანონმდებლობითი წესით გამოცემულთა (ძირ. კან. გამ. 1906 წ. მუხ. 2), დაედგინოს:

1. კანონები და დადგენილებანი რომელთა მოქმედება ვრცელდება ფინლიანდიის სამთავროზე, გამოიცემიან: 1) საერთო კანონმდებლობის წესით, თუ ეს კანონები მართო ფინლიანდიის შინაურ საქმეებს არ ეხება და 2) საგანგებო კანონმდებლობის წესით (ძირ. კან. 1906 წ. მუხ. 2), თუ ეს კანონები ეხებიან მხოლოდ ფინლიანდიის შინაურ საქმეებს.

2) იმ წესით, რომელიც დადგენილია ფინლიანდიის საგანგებო მართვა-გამგეობით (ძირ. კან. გამ. 1906 წ. მუხ. 2), შეიცვლება და გამოცემა საერთო კანონმდებლობის წესით მის იმპერატორებით უდიდებულესობის თაოსნობით.

3) სახელმწიფოს ძირითად კანონებთან დამოუკიდებლად, აგრეთვე საერთო, კანონმდებლობით გამოცემულ სხვა კანონთა და დებულებათა, რომელთა ძალა ამ კანონის გამოცემამდე ფინლიანდიაზედაც ვრცელდებოდა, და აგრეთვე დაკანონებანი, რომელნიც სცვლიან და სულ ჰყოფენ გამოცემულ კანონებს, პირველ მუხლის პირველ ნაწილში ნაჩვენებ კანონებსა და დადგენილებებს ეკუთვნიან ისინი, რითაც განიმარტებიან:

1) ფინლიანდიის მონაწილეობა სახელმწიფო სასაქონლოში და ამისთვის დაწესება ხარჯისა და გადასახადისა;

2) სამხედრო ბეგრის მოხდა ფინლიანდიის მცხოვრებთა მიერ, აგრეთვე მოხდა სხვა ბეგარიისა, რომელიც სამხედრო საქმეებისათვის არის მიმართული;

3) ფინლიანდიაში მცხოვრებ არა ფინლიანდიის მოქალაქეთა რუსეთის ქვეშევრდომების უფლებანი;

4) ფინლიანდიაში უნდა სისრულეში იქნას მოყვანილი იმპერიის სასამართლოს დაწესებულებათა და მმართველ ორგანოთა განაჩენები, დადგენილებანი და მოთხოვნილებანი, აგრეთვე ამ დაწესებულებებში დადგენილი ხელშეკრულებანი და აქტები;

5) უფლებები, ვალდებულებანი და წესი ფინლიანდიაში საერთო საიმპერიო დაწესებულებათა და მმართველობის მოქმედებისა.

6) დადგენება სახელმწიფოს ინტერესების მიხედვით ფინლიანდიის სასამართლოს სისხლის სამართლისა და განსამართლების წესის კანონების გამოყოფისა;

7) უზრუნველყოფა სახელმწიფოს ინტერესებისა სახალხო განათლების საქმეში;

8) წესები საჯარო კრებებისა, საზოგადოებებისა და კავშირებისა;

9) უფლებანი და პირობანი იმ საზოგადოებათა და კავშირებისა ფინლიანდიაში მოქმედებისა, რომელნიც დამტკიცებულნი არიან იმპერიის სხვა ადგილებში;

10) კანონმდებლობა ფინლიანდიაში ბეჭდვითი სიტყვის შესახებ და შემოტანა საზღვარგარეთიდან ბეჭდვითი სიტყვის ნაწარმოებთა;

11) დამოკიდებულება ფინლიანდიისა და იმპერიის სხვა ადგილებისა საბაჟო დარგში;

12) დაცვა ფინლიანდიაში სავაჭრო და სამრეწველო ნიშნებისა და პრივილეგიებისა, აგრეთვე ლიტერატურულ და სამხატვრო საკუთრების უფლებისა;

13) ფულის სისტემა ფინლიანდიაში;

14) ფოსტა, ტელეფონი, ჰაერში ფრენა და ამგვარი მიმოსვლის საშუალებანი ფინლიანდიაში;

15) რკინის გზების საქმე ფინლიანდიაში, მისი დამოკიდებულება სახელმწიფოს დაცვის საქმეში, აგრეთვე მიმოსვლა ფინლიანდიისა და იმპერიის სხვა ადგილებ შორის, საერთაშორისო მიმოსვლა; რკინის გზის ტელეგრაფი;

16) სავაჭრო ნაოვსნობა ფინლიანდიაში;

17) უცხოელების უფლებანი ფინლიანდიაში;

4) შეცვლა და დამატება მესამე მუხლში მოყვანილ კანონებსა და დადგენილებათა ხდება საერთო კანონმდებლობის წესით.



5) კანონ-მდებლობითი მოსაზრებანი, ნაჩვენებნი მესამე მუხლის 1—17 განყოფილებაში, მინისტრებისა და მთავარ გამგეების მიერ შემუშავებული სანამდის მინისტრთა საბჭოში იქნება შეტანილი, უნდა წარედგინოს თვით მინისტრს ან მთავარ გამგის მიერ ფინლიანდიის სენატს აზრის გამოსათქმელად. ფინლიანდიის სენატს აზრის გამოსათქმელადვე გადაეცემა სხვა საქმეებიც, რომელსაც მინისტრთა საბჭო საჭიროდ დაინახავს. წესი ამ გადაცემისა ისეთივე არის, როგორც პირველ შემთხვევაში.

ასევე გადაეცემა სათანადო სამინისტროების და მთავარგამგეობის საშუალებით იმავ ფინლიანდიის გენერალ-გუბერნატორის ხელითვე ფინლიანდიის საიმპერატორო სენატის აზრის გამოსათქმელად ყველა იმ აზრებზე, რომელნიც ნაჩვენებია მე-3 მუხლის 1—17 განყოფილებაში და სახელმწიფო საბჭოსა და სათათბიროს კომისიის მიერ არის შემუშავებული. (დაწ. სიხ. საბ. გამოც. 1906 წ. მუხ. 56; დაწ. სახ. სათ., გამ. 1908 წ. მუხ. 57) გადაეცემა ფინლიანდიის სენატს აზრის გამოსათქმელად სხვა, ფინლიანდიის შესახებ კანონპროექტებისა, რომელნიც შემუშავებულ არიან საბჭოსა და სათათბიროს კომისიების მიერ, თვით საბჭოსი და სახელმწიფო სათათბიროს საქმეა. ეს გადაეცემა მოხდება სათათბიროსი და საბჭოს დადგენილებით, მხოლოდ სანამდის შესახებ კანონპროექტი მიღებულ იქნება საერთო სხდომის მიერ. (ძირ. გან. გამ. 1906 წ. მუხ. მე-110).

მინისტრებსა და მთავარ გამგეებს, აგრეთვე სახელმწიფო საბჭოსა და სათათბიროს შეუძლიანთ, როდესაც ფინლიანდია სენატის აზრის გამოსათქმელად გადასცემენ შმა თუ იმ კანონპროექტს. დაუნიშნონ განსაზღვრული ვადა, რომელის შემდეგ საქმე თავის გზით წავა, სენატის აზრის გამოთქმელადაც.

ფინლიანდიის საიმპერატორო სენატის გამოთქმული აზრი გადაეცემა გენერალ-გუბერნატორს, რომელიც უგზავნის მინისტრს ან მთავარ-გამგეს. ხალხი ესენი გადასცემდენ საბჭოს ან სათათბიროს—ე. ი. ვინც მოითხოვა ამ განმარტებათა მიღება.

6) ფინლიანდიის გენერალ-გუბერნატორისა და სენატის მიერ შემუშავებული წინასწარ განზრახვანი შესახებ პირველი მუხლის პირველ ნაწილში დასახელებულ კანონთა და დადგენილებათა გენერალ-გუბერნატორის საშუალებით შეტანილ უნდა იქმნას მინისტრთა საბჭოში.

7) კანონპროექტები, რომელნიც შეეხებიან ფინლიანდიის სეიმის განსახილველ საგნებს ანუ რომელნიც ეხებიან სეიმში გატარებულ ადგილობრივ ფინლიანდიის კანონებს, სანამ სახელმწიფო საბჭოს ან სახელმწიფო სათათბიროს წარედგინება (ძირ. კან. გა. 1906 წ. მუხ. 120), მინისტრთა საბჭომ უნდა წინასწარ გააცნოს ფინლიანდიის სეიმს აზრის გამოსათქმელად. გადაეცემა ფინლიანდიის სეიმს აზრის გამოსათქმელად სხვა კანონპროექტებისა, რომელნიც ფინლიანდიის ეხებიან და რომელნიც მინისტრთა საბჭოში არიან წარდგენილნი, თვით მინისტრთა საბჭოსაგანაა დამოკიდებული და სწარმოებს იმავ ვადის დაცვით.

ფინლიანდიის შესახები კანონპროექტები, რომელნიც მინისტრთა საბჭო არ დაეკითხა ფინლიანდიის სეიმს აზრის გამოსათქმელად, თანახმად სახელმწიფო საბჭოსა ან სახელმწიფო სათათბიროს დადგენილების თანხმად შეიძლება გადაეცეს ფინლიანდიის სეიმს აზრის გამოსათქმელად. ასეთი გადაეცემა შეიძლება მოხდეს მხოლოდ, სანამ სახელმწიფო საბჭოს ამ სათათბიროს საერთო კრება მიიღებდეს ამ კანონპროექტს, ამისდა-მიხედვით, თუ რომელ საკანონმდებლო დაწესებულებებში იქმნა პირველად შეტანილი ეს კანონპროექტი (ძირ. კან. გამ. 1906 წ. მუხლ. 110). ამავე წესით გადაეცემა ფინლიანდიის სეიმს აზრის გამოსათქმელად ფინლიანდიის შესახები კანონპროექტები, რომელნიც შემუშავებულ არიან სახელმწიფო საბჭოს ან სახელმწიფო სათათბიროს წევრთაგან დაარსებულ კომისიების მიერ. (დაწ. სახელ. საბ. გამ. 1906 წ. მუხ. 54; დაწ. სახ. სათ., გამ. 1908 წ. მუხ. 57).

კანონპროექტები, რომელნიც უნდა გადაეცეს ფინლიანდიის სეიმს აზრის გამოსათქმელად, თანახმად მინისტრთა საბჭოსა, სახელმწიფო საბჭოს





ან სახელმწიფო სათათბიროს დადგენილებითა, მინისტრთა საბჭოს თავმჯდომარის მიერ ეცნობება სეიმს ფინლიანდიის გენერალ-გუბერნატორის ხელით. სეიმის აზრი ამ წესით წარდგენილ კანონ-პროექტებზე უნდა გამოითქვას ამ მხრივ ან არა ჩვეულებრივ სესიის განმავლობაში, რომელის განსახილველად ეს კანონ-პროექტები წარედგინა. გამოთქმული აზრი ან დამატებანი მათთან ფინლიანდიის გენერალ-გუბერნატორის ხელით ეცნობება რუსულ ენაზე მინისტრთა საბჭოს თავმჯდომარეს რომელიც გამოთქმულ აზრს კუთვნილებისამებრ გადასცემს. თუ სეიმი თავის აზრს არ გამოსთქვამს დადებულ ვადაზე კანონ-პროექტი თავის გზით იქნება მიღებული ამ აზრის მიუღებლად.

8) პირველი მუხლის პირველი ნაწილში დასახელებული კანონები და დადგენილებანი გამოქვეყნდებიან უმართებელეს სენატის მიერ საზოგადოდ არსებულ წესით.

გამოცხადება ამ კანონისა. ფინლიანდიაში ხდება ადგილობრივ წესით, ფინლიანდიის გენერალ-გუბერნატორის ზედამხედველობითა და განკარგულებით.

9) განმარტება და დადასტურება პირველ მუხლის პირველ განყოფილებაში ნაჩვენებ კანონთა და დადგენილებათა, აგრეთვე გადაწყვეტა ამ კანონთა და დადგენილებათა გამო აღძრულ ეჭვისა, საერთო კანონთა მიხედვით უმართებელეს სენატს ეკუთვნის. ფინლიანდიის გენერალ-გუბერნატორი თავის მხრივ ყოველივე ზომებს ხმარობს უმართებელეს სენატის ბრძანებათა საჭირო სისრულეში მოსაყვანად.

10) საერთო წესით გამოცემული კანონები და დადგენილებანი თავის თავად აუქმებენ ყველა მათთან შეუთანხმებელ ფინლიანდიის კანონებს და დადგენილებათ, რომელნიც საგანგებო წესებით არიან გამოცემულნი. (მუხ. 1, გან. 2) და აუცილებლად სავალდებულონი არიან მთავრობის ყველა (ადმინისტრატიულ, სასამართლო და სხვ.), აგრეთვე სათემო და კერძო დაწესებულებათა და პირთათვის, მიუხედავად ამ კანონებთან შეუთანხმებელ ადგილობრივ დაკანონებულ დებულებათა.

11. კანონები და დადგენილებანი, საგანგებო წესით გამოცემულნი (მუხ. 1, გან. 2), ვერ გააუქ-

მებენ, ვერც შესცვლიან ან დაუმატებენ, ვერც შეაჩრებენ და განმარტავენ საზოგადო წესით გამოცემულ კანონთა და დებულებათ (მუხ. 1, გან. 1).

12. სახელმწიფოს საბჭოსა და სახელმწიფო სათათბიროს შემადგენლობაში ჩაირიცხონ ფინლიანდიის სამთავროს მცხოვრებთაგან ამორჩეული წევრნი, რომელნიც არჩეულ იქნებიან იმავე წესით, როგორც ეს სახელმწიფო საბჭოსა და სახელმწიფო სათათბიროს საზოგადო არჩევნებისათვის არის დაწესებული შემდეგი ცვლილებითა და დამატებით.

ა. სახელმწიფო საბჭოს არჩევნებისათვის.

1. ფინლიანდიის სეიმი ირჩევა ცხრა წლის ვადით ერთ წევრს სახელმწიფო საბჭოში იმ პირობათაგან, რომელთაც უფლება აქვთ სეიმის არჩევნებში მონაწილეობის მიღებისა და რომელნიც აკმაყოფილებენ ქვემოთ მოყვანილ 2 მუხლის მოთხოვნილებას:

სახელმწიფო საბჭოს წევრის არჩევის დაწვრილებით წესს ადგენს სეიმი.

2. ფინლიანდიის სამთავროში არ შეიძლება ამორჩეულ იქმნან გარდა იმ პირთა, რომელნიც ნაჩვენებია სახელმწიფო საბჭოს დაწესების მე-20 მუხლში (ვამ. 1906 წ. და გავრ. 1908 წ.): 1) სამართალში მიცემულნი, იმ დანაშაულობათა ჩადენისათვის, რისთვისაც ადგილობრივ სისხლის სამართლის დებულების ძალით, მიესაჯება გამასწორებელ სახლში გაგზავნა ან დამნაშავეს მოქალაქობრივი ნდობა აეხდება, ან ღირსი არ იქნება სამთავროს რომელსამე სამსახურში ყოფნისა როდესაც სასამართლოს ისინი არ გაუმართლებია, თუნდაც გასამართლების შემდეგ ისინი სასჯელის მოხდისაგან განთავისუფლდნენ ვადის გასვლისა გამო, უმაღლეს მანიფესტის წყალობით; 2) სამსახურიდან გადაყენებულნი ფინლიანდიის სასამართლოების განაჩენის ძალით — სამი წლის განმავლობაში, დღიდან სამსახურიდან გადაყენებისა, თუნდაც ვადის გასვლის გამო ისინი კიდევ განთავისუფლებულ იქნენ უმაღლესის მანიფესტით ან საგანგებო უმაღლესი ბრძანებით; 3) რომელთაც ბრალი ედებათ ამ მუხლის პირველ განყოფილებაში ნაჩვენებ დანაშაულობის ჩადენისათვის, ან იმ და-



ნაშაულობის ჩადენა, რასაც სამსახურიდან გადაყენება მოსდევს, 4) რომელთაც რუსული ენა არ იციან.

3) რაინდობა და თავად-აზნაურობა ფინლიანდიის დიდ სამთავროისა თავიანთ წრიდან ირჩევენ ორ ამომრჩეველს თავად-აზნაურთა საზოგადოებათაგან სახელმწიფო საბჭოს წევრის არჩევნებში მონაწილეობის მისაღებად (დააწ. სახ. საბ. გამ. 1906 წ. მუხ. 15).

4) ფინლიანდიის საიმპერატორო უნივერსიტეტის კონსისტორია ორდინალურ პროფესორთაგან ირჩევს სამს ამომრჩეველს სამეცნიერო აკადემიისა და უნივერსიტეტებისაგან სახელმწიფოს საბჭოს წევრის არჩევნებში მონაწილეობის მისაღებად (დააწ. სახ. საბ. გამ. 1906 წ. მუხ. 16).

5) ვაჭრები და მრეწველნი ფინლიანდიის სამთავროისა თავიანთ წრიდან სახელმწიფო საბჭოში მრეწველთა და ვაჭართა წარმომადგენლის ასარჩევად (დააწ. სახ. საბ. გამ. 1906 წ. მუხ. 17) ამოირჩევენ ორ ამომრჩეველს (ერთს ვაჭართაგანს ერთს—მრეწველთაგან). დაწვრილებით წესებს ამაზე აღგენს ფინლიანდიის საიმპერატორო სენატი ფინლიანდიის გენერალ-გუბერნატორის თანხმობით.

6. არჩევნების წარმოება (მუხ. 1 და 3—5, აგრედვე საჩივარი არჩევნების უკანონოდ მოხდენაზე და სეიმის ტალმანისა და ქვემდებარე საარჩევნო კრების თავმჯდომარეთა პასუხი ამ საჩივრებზე ერთი თვის განმავლობაში, დღიდან არჩევნების მოხდენისა, წარედგინება რუსულ ენაზე ფინლიანდიის გენერალ-გუბერნატორს, რომელიც კუთვნილებისამებრ დადგენილ წესით უდგენს სადაც ჯერ არს.

7) საჩივარი ამომრჩეველთა უკანონო არჩევნებზე იწერება ფინლიანდიის სენატის სამეურნეო დეპარტამენტის სახელზე და საკითხი საბოლოოდ სწყდება ამ დეპარტამენტის საერთო კრებით.

(„სახ. გაზ.“)

### ხალხის უსასწავლად

მას შემდეგ რაც ქართველ მწერლობას თვალყურს ვადევნებთ, თითქმის განუწყვეტლივ გაისიხს ჩვენ ჟურნალ-გაზეთებში ერთი და იგივე მოწოდე-

ბა: დაეშურეთ სახალხო ნაწარმოების შეკრებას, ჩასწერეთ,—ვისაც შემთხვევა გეძლევათ,—არაკები, ლექსები, ლეგენდები, გამოცანები, დააკვირდით ხალხის ზნე-ჩვეულებას, სამართალს. შინაურ მოწყობილებას, ოჯახის გამგეობას, განსვენებული პეტრე უმიკაშვილი, პოეტი რაფიელ ერისთავი. ილია ჭავჭავაძე წინამორბედი იყვნენ ხალხის შემოქმედებითი განძის შესწავლის და აღბეჭდვის საქმეში. მათ მიყვნენ ფეხდაფეხ მრავალნი ცნობილნი მწერალნი: აკაკი, ვაჟა-ფშაველა, ნიკო და დავით ხიზანაშვილები, თ. რაზიკაშვილი, თავისუფალი სვანი და სხვანი. ამ ბოლო დროს ხმა აღიმალლა კვლავ ამავე საგანზე ი. კარგარეთელმა და მიჰმართა ჩვენს სტუდენტობას საზაფხულო მოგზაურობით ისარგებლონ საერო წარმოების შესაკრებად ამ მოწოდების გამო დაწერილია ეს წერილიც.


მოსკოვში არსებულმა ადგილობრივ უნივერსიტეტის მფარველობის ქვეშ ქართული კულტურის მოყვარეთა წრემ განიზრახა დაავალოს თავის წევრებს თავისუფალი დრო საქართველოში მოახმარონ ზებირ სიტყვაობის მასალის შეკრებას, ხალხის ეკონომიურად გასაცნობად, ჩვეულებრივი უფლების გამოსარკვევად, ამ ფართო პროგრამის შესასრულებლად, რასაკვირველია, საქიროა რაიმე სახელმძღვანელო, რომლის მიხედვით შესაძლო გახდეს ნაყოფიერად და სისტემატიურად მუშაობა. ამ მოსახრებით წრემ დამავალა მიემართო ჩვენს საზოგადოებას ორნაირი თხოვნით პირველი შეეხება პროგრამის გამოცემას, მეორე ზნეობრივ და მატერიალურ დახმარებას. პროგრამმა უკვე შედგენილია და დაბეჭდილიც იყო აკაკის ჟურნალის „კრებულში“. იგი შემუშავებულ იქნა ჩემი წინადადებით და რედაქციით მოსკოველი სტუდენტების დახმარებით და ნაწილ-ნაწილ იბეჭდებოდა კრებულში 1899 წ. №№ 7, 8, 9 და 11 და 1890 წ. № 2. თავდაპირველად საქიროდ დავინახეთ პროგრამის ცალკე წიგნად გამოცემა, რათა ყველასთვის ხელმისაწვდომი გავხადოთ. ამიტომ ვთხოვეთ ჩვენს გამომცემლებს დაგვეხმარონ და ეს პროგრამა დაგვიბეჭდონ უსასყიდლოდ დასარიგებლად. ამ პროგრამით ისარგებლებენ სოფლის მასწავლებლები მღვდლები და საერთოდ ეთნოგრაფიის მოყვა-



რენი და მაძიებელნი

პროგრამის გარდა ჩვენი ხალხის შემსწავლელს ესაქიროება ზნეობრივი დახმარება ადგილობრივი მცხოვრებლებისაგან, რომელთაც ხელი უნდა შეუწყონ და გაუადვილონ მოგზაურობა და მასალის შეკრება. თავიდათავი სახსარი მიზნის მისაღწევად რა თქმა უნდა, მატერიალური საშვალეობა. ფულით დახმარებაც თითო ოროლა პირმაც აღგვითქვა; მაგრამ საკმარისი არ არის საქმის დასაწყობად და გასაძლოლად. ფონდის გასაძლიერებლად ამ ზაფხულს დასახელებული წრის წევრები გამართვენ წარმოდგენებს და იმედია ჩვენი საზოგადოება არ დაიშურებს თავისი წვლილს დიდებული საქმის წარსამართავად. თუ შეიკრიბა ცოტაოდნად საკმარისი თანხა, მომავალი წლიდან შეუდგებით სისტემატიურად შესწავლას როგორც ხალხის ზეპირ-სიტყვაობის, აგრეთვე მისი ეკონომიური და იურიდიული მდგომარეობისას. თანდათან საქმეს გაფართოვებთ და გარდა აღნიშნული მხარეების შესწავლისა, შეუდგებით გრამოფონით ხალხური მუსიკალური ნაწარმოების შეკრებასაც. განზრახული საქმის კეთილად დაგვირგვინება დამოკიდებული იქნება ჩვენი საზოგადოების თანაგრძნობაზე და მონაწილეობაზე.

„სახალხო გაზეთი“



### ქუჩნალ გაზეთთაგან

ქალთა უნივერსიტეტი იაპონიაში

იაპონიაში სახალხო განათლების საქმე საზოგადოთ კარგად არის დაყენებული, მაგრამ მეტად საყურადღებოა ქალთა უნივერსიტეტი ტოკიოში. ეს უნივერსი ეტი ბევრად განსხვავდება ევროპის ქალთა უმაღლეს სასწავლებელთაგან. სკოლა შესისხლხორცებულ ცხოვრებასთან, იაპონიის ხალხის სოციალურ ვითარებასთან. იაპონელების შეხედულებით ქალები კარგი მეუღლე და დედები უნდა იყვნენ. ამიტომაცაა, რომ უმაღლეს სასწავლებელიც, საშვალეოა და სახალხო დაბალი სკოლაც მიმართულია ისე, რომ ქალები ოჯახისათვის, ცხოვრებისათვის მოამზადონ. კარგი დედები და აღმზღელები გამოიყვანონ ჯერ ისევ 1885 წელში დაიბადა აზრი ქალთა უნივერსიტეტის დაარსების

შესახებ. ქველმოქმედთა უხვ შეწირულები გამოგანახორციელეს აზრი. 1901 წელში დაარსდა ტოკიოში ქალთა უნივერსიტეტი. სადაც 300 სტუდენტი ქალი სწავლობს. უნივერსიტეტთანვე გაიხსნა ქალთა უმაღლესი კურსები, ისეთივე როგორც ეხლა რუსეთშია—600 მსმენელისთვის უნივერსიტეტში 80 პროფესორია, შესაძახი ფული კერძო შემოწირულებით გროვდება. თვით მიკადოს ცოლი ერთ უხვ შემოწირველთაგანია.

ქალთა უნივერსიტეტი ისეა მოწყობილი, როგორც ვაჟთა უნივერსიტეტები—3 წლის კურსით. უნივერსიტეტთან მოწყობილია საბავშვო ბაღი და ქალთა პირველ დაწყებითი სკოლა. ორივე ეს უკანასკნელი დაწესებულება სტუდენტ ქალების პრაქტიკულ მუშაობისათვის არის დანიშნული. ვისაც საპედაგოგო ასპარეზზე ჰსურს მოღვაწეობა ამ სახალხო სკოლაში და ბაღში პრაქტიკულად მოღვაწეობს, ქალთა კურსების პროგრამაში შედის კომერციულ მეცნიერებათა შესწავლა და აგრეთვე შესწავლა ყველა იმისა, რაც სამშობლო ქვეყნის მრეწველობას შეეხება, მაგრამ უნივერსიტეტში უმთავრესი ყურადღება მიპყრობილი აქვს ქალების კარგ აღმზრდელ დედებად მომზადებს. ასწავლიან ლიტერატურას, საპედაგოგო საგნებს, ფიზიკას, ფიზიკურ აღზრდას, მუსიკას, ხელოვნებას ხელსაქმეს და ყველაფერს, რაც ეხება სახლის მეოჯახეობას, მზარეულობასაც, ჩაის გაკეთების ცერემონიალსაც რომელსაც იაპონიის ცხოვრებაში მეტად დიდი მნიშვნელობა აქვს. ასწავლიან შვედურ გიმნასტიკის, სხვა და სხვა სათამაშოებსა და გასართობებს,

ასეთი სისტემა აღზრდისა მეტად ხელს უწყობს ქალებს მოხელეებად კი არ გახდენ, არამედ პირველ ყოვლისა კარგი დედები და მეოჯახეები იყვნენ.

### ახალი ამბები და შენიშვნები

პეტერბურგი. სააგენტომ შემდეგი ცნობები მიიღო ხოლერის მსვლელობის შესახებ. პეტერბურგში დღე დამეში ავად გახდა 83, გარდაიცვალა 23, ავად არის 439. წასრულ კვირას ბაქოში





ავად გახდა 86, გარდაიცვალა 33, მორჩა 19, ბერ-  
 დიჩეესკში ავად გახდა 12, გარდაიცვალა 25.  
 ეპიდემიის გაჩენიდან მაზრაში ავად გახდა 86. კავ-  
 კავში 8 ივლისიდან ავად 23, გარდაიცვალა 10.  
 თერგის ოლქში ავად გახდა 518, გარდაიცვალა  
 203, ევატორიაში 25 იენისიდან ავად გახდა 8,  
 გარდაიცვალა 4, მაზრაში ავად გახდა 2, გარდაი-  
 ცვალა 1, ქერჩში ავად გახდა 105, გარდაიცვალა  
 45, აკკერმანის მაზრაში ავად გახდა 1. კიევში  
 ავად 84. გარდაიცვალა 23, გუბერნიაში ავად  
 გახდა 189, გარდაიცვალა 161. ნიჟნინოვოგორო-  
 დში ავად გახდა 64, გარდაიცვალა 11, გუბერნია-  
 ში ავად გახდა 64, გარდაიცვალა 28, ადესაში  
 ავად გახდა 106. გარდაიცვალა 47, არლოვის გუ-  
 ბერნიაში ავად გახდა 129, გარდაიცვალა 67, ელ-  
 ცაში ავად გახდა 4, გარდაიცვალა 2, სად. ლივ-  
 ნიში და ბრინსკში ავად გახდა თითო, პენზაში  
 ავად გახდა 13, გარდაიცვალა 1, გუბერნიაში  
 ავად გახდა 52, გარდაიცვალა 17. როსტოვის სა-  
 გრადონაჩალიკოში ავად გახდა 137, გარდაიცვა-  
 ლა 36, რიბინსკში ავად გახდა 28, გარდაიცვალა  
 14, სამარაში და მის გუბერნიაში ავად გახდა 488,  
 გარდაიცვალა 210, სევასტოპოლის საგრადონაჩა-  
 ლიკოში ავად გახდა 11, გარდაიცვალა 10, სიმ-  
 ბირსკში ავად გახდა 25, გარდაიცვალა 10, გუ-  
 ბერნიაში ავად გახდა 154, გმრდაიცვალა 65,  
 სევასტოპოლში (გუბ.) ავად გახდა 28, გარდაი-  
 ცვალა 12. ტამბოვის გუბერნიაში 8 ივლისს ავად  
 გახდა 212, გარდაიცვალა 54, იაროსლავში ავად  
 გახდა 55, გარდაიცვალა 54, გუბერნიაში ავად გახდა  
 959, გარდაიცვალა 363, ხერსონში ავად 5, გარდაი-  
 ცვალა 1, გუბერნიაში ავად გახდა 791, გარდაი-  
 ცვალა 359, აკკერმანში ხოლერის საწინააღმდეგოთ  
 აკრა დაიწყო. სანიტარულმა კომისიამ ჭები და-  
 კეტა. კიევში სანიტარული კომისია შუამდგომა-  
 ლობს დაიკეტოს კიევის ახლოს ორი ბაზარი.  
 ოდესაში უცხო გემების სააგენტომ ცირკულიარი  
 გაუგზავნა საერთო შორისო სანიტარულ კომისიას,  
 რომლითაც უკრძალავს ოდესიდან წყლის აღებას  
 და ბარგის მიღებას. თუ აუცილებელი საჭიროება  
 არაა ჯარს ნაპირზე არ უშვებენ. ოდესის სასანი-  
 ტარო აღმსრულებელ კომისიამ დაადგინა დეზინ-  
 ფექცია გაუკეთოს პერესიბის რაიონს, აღკრძალოს

შინაურ საქონლის გამოშვება, დაკეტოს ოდესა—  
 ბანბაჩის გზა. სანოვაგე საწვრილმანოები, და გა-  
 მოსცეს დადგენილებანი. პოლტავის საგუბერნო  
 საექიმო სასანიტარო კომისიამ დაადგინა გახსნას  
 ოთხი ამბულატორია ავადმყოფთათვის.

პეტერბურგში ავად გახდა 81, გარდაიცვალა  
 18, ავად არის 498. კვირის განმავლობაში ალექ-  
 სანდროვკაში ავად გახდა 210, გარდაიცვალა 113,  
 ავად არის 154, ეპიდემიის გაჩენიდან ავად გახდა  
 1036. გარდაიცვალა 471. შიბროვის მაზრაში  
 ავად გახდა 51, გარდაიცვალა 23, გოძელში ავად  
 გახდა 63, გარდაიცვალა 14, პავლოვრადსკში ავად  
 გახდა 51, გარდაიცვალა 23, ნიკოლაევსკში  
 (სამარ.) 23 სოფელში ავად გახდა 105, გარდა  
 იცვალა 54, ეპიდემიის გაჩენიდან მაზრაში ავად  
 გახდა 186, გარდაიცვალა 89, დაბა ოპოშანში,  
 ზენკოვის მაზრა, ერთი შემთხვევა იყო ხოლერით  
 ავად გახდომისა. ყარსში ავად გაადა 11, გარდა-  
 იცვალა 6, ერევნის გუბ. გარდაიცვალა 5, ბუზუ-  
 ლუკში რამდენიმე შემთხვევა იყო ყველანი გარ-  
 დაიცვალნენ, ფხრანში ავად გახდა 2, გარდაი-  
 ცვალა 1, რომანოვში და ბორისოგლებსკში ავად  
 გახდა 2 მუშა, 1 გარდაიცვალა.

\* \* \* გაძლიერებული წესები კავკასიაში. დებეშა-  
 თა სააგენტო გვატყობინებს: 1910 წლის 4 სექ-  
 ტემბრამდე გაძლიერებულ დაცვის წესები დარჩება  
 შავი ზღვისა, განჯისა და ერევნის გუბერნიებში  
 გორის, დუშეთის, ბორჩალოს, თელავის, სიღნაღის  
 თიანეთის, ახალქალაქის და ახალციხის მაზრებში  
 თერგის, სოხუმის და ზაქათალის ოლქებში; ბა-  
 თუმში და ბათუმის ოლქის კონტრიშის ნაწილში.

\* \* \* ქვაშვეთის ეკკლესიის შენობაზე მუშაობა  
 თითქმის უკვე დამთავრდა მხოლოდ ზოგიერთ ალაგას  
 შიგნით და გარეთ გამშვენება აკლია ეკკლესიის  
 კანკელი მარმარილოსია, ხოლო მუშაობა ანდრე-  
 ოლეტისა, ხატები დახატა მხატვარმა გ. ფ. გრი-  
 ნევსკიმ, აღმოსავლეთის კარები და (ლიუსტრა)  
 ქორკანდელი ბრინჯაოსია. ეს უკანასკნელი კეთ-  
 დება მოქანდაკეს ი. ნიკოლაძის ესკიზის მიხედვით.  
 ეკკლესიის კურთხევა განზრახულია მიმდინარე  
 წლის აგვისტოში.

\* \* \* ხაფრა. ტფილისში უკვე ფეხს იკიდებს  
 ხოლერა. ჯერ-ჯერობით უფრო მდაბიო ხალხში





მშენებლებს ამ ორ დღეში დიდძალი ხალხი ქალაქიდან სხვა ადგილებსაკენ გაეშურა სააგარაკოდ, მიდის ყველა, ვისაც კი შეძლება აქვს თავი დაანწიოს ამ საშინელს სენს. 2 ივლისს ხოლერით ავად გახდნენ: ოპანეს ბუდაგისძე საგიანცი, სოფიო შაუკაშვილი, რომელიც უკვე გარდაიცვალა, ანასტასია დავითის ასული გურგენიძე, იოვან პალამი, თაქუა ჩივიანისა, თევდორე გლადიშვილი, ბარბარე ზურაბის ასული გურგენიძე, გიორგი გაბრიელის ძე ბეგიაშვილი, ელენა დავითის ასული ბაშარული, ანა შაკოვსკაიასი, ივანე სოტნიკოვი, კესარია ფარსადანის ასული ნიკოლაშვილი, ანა ჟოჯოვსკაია, პეტრე ბაიანნიკოვი, თევდრე კოსოვსკი, შუშანიკა ჩიბუხჩიანცი, სტეფანე მიკლაშვილი, თაქო გოზალოვისა და მისი შვილი სურენა, ებრაელი ოლი, ნინა ალექსის ასული სამყურაშვილი, ნატალია ანდრიას ასული იორდანაშვილისა, მიხეილ აბრამოვი, ფირუზა ზოლოლიანცი, პორფირე ივანეს ძე ლეჟავა, მაიკო გლახას ძე ბეჟანაშვილი, ალექსანდრე ალექსის ძე საყურაშვილი, რომელიც გარდაიცვალა, ქერბალაი ნამზ-კიზი, აიკანუშ ადანიანცი და კუნმა ბრუსენციოვი. ავადმყოფთა ბინებს შესაფერი დეზინფექცია უყვეს. ავად გახდნენ ხოლერით გუშინაც. სამწუხაროა, რომ ზოგიერთი ავადმყოფს სახლში მალავენ და ამით საშინელ სენტან ბრძოლას აძნელებენ.

\* \* ფუჯის გასაგზავნი ყაღბი ბლანკების აღმოჩენა. ჩოხატაურის (ოზურგეთის მაზრა) საფოსტო განყოფილებაში აღმოუჩენიათ ფულის გასაგზავნი ბლანკების საკეთებლები, რომელებიც თვით ფოსტის მოხელენი ყოფილან. თურმე ისინი სწერდნენ ტყუილ ბლანკებს, გზავნიდნენ და იღებდნენ ფულსა. რამდენიმე ათი ათასი მანეთის ყაღბი ბლანკი გაუკეთებიათ. გაჩრკვის დროს ასობით დამზადებული ბლანკები იპოვეს. დამნაშავენი დაატუსაღეს.

\* \* ქართული გამნაზიის შესახებ. როგორც მკითხველებმა იციან, სამოსწავლო ოლქის მზრუნველმა ნება არ დართო ქართულ გიმნაზიაში მეოთხე კლასამდე ქალ ვაჟის ერთად სწავლა. ამ დღეებში ქართული გიმნაზიის ინსპექტორი, ა. მდივანი წარუდგა სენატორს ვატაციის და საქმის გარემოება მოახსენა. სენატორმა ვატაციმ თავისი პრინციპილური თანხმობა გამოუცხადა ამ საქმის

შესახებ და დახმარება საქმის სასურველად გადაწყვეტა აღუთქვა.

„სახლ. გაზ.“  
ბ. მდივანს გაუგონია, რომ ამერიკაში ქალვაჟნი ერთად სწავლობენ და ჰგონია, რომ ჩვენნი ქალ-ვაჟნიც ამერიკელები არიან! ცხადათ უმტკიცებენ ჩვენს საზოგადოებას ჩვენი სტუდენტები და კურსისტები ეკსკურსიის დროს, რომ სწორეთ ამერიკულად ირჯებიან!..

\* \* როგორც ლონდონიდან იტყობინებია ქართულ საზოგადოებაში ცნობილმა ინგლისელმა ოლივერ უორდროპმა, რომელიც ინგლისის ელჩად იყო ჯერ კერძოში, ახლა კი ბუდაპეშტშია, ოქსფორდის უნივერსიტეტს 30,000 მანეთი შეწირა, ამ უნივერსიტეტთან ქართულ ენის კათედრის დასაარსებლად. როგორც ვიცით, ოლივერ უორდროპის დამ, რომელიც შარშან გარდაიცვალა, მარდორი უორდროპმა მშვენივრად შეისწავლა ქართული ენა და ქართული კლასიკების ინგლისურ ენაზედ თარგმნას შეუდგა. მისმა ილ. ქაჭავაძის „განდვილის“ თარგმნამ დიდი შთაბეჭდილება მოახდინა ინგლისის საზოგადოებაზედ. ქან უორდროპის უდროვარ გადაცელებამ ყველანი დააღონა, ვინც კი მას იცნობდა, ან ვისაც კი გაეგონა. ქართული ენის კათედრა ოქსფორდის უნივერსიტეტში საუკეთესო ძეგლია განსვენებულის ნათელი პიროვნების უანგარო მოღვაწეობისა, რითაც მან დაამტკიცა თავისი გულწრფელი სიყვარული საქართველოს დიად წარსულისა და თავისებური კულტურისადმი. ბ. უორდროპს ხსენებულ უნივერსიტეტისათვის აგრედვე ქართული წიგნების ბიბლიოთეკაც შეუწირავს და ქ. შ. წ. კ. გამავრცელებელ საზოგადოების მთავარ გამგეობასა სთხოვს, ყოველი ახალი ქართული გამოცემა ფასდაღებით ჰგზავნოს მის სახელზე ოქს. ფორდის უნივერსიტეტის ქართულ ბიბლიოთეკისათვის.

ჩვენ გვწერდა ბ. ოლივიერ უორდროპი ბუდაპეშტიდან, რომ იგი სწირავს ოქსფორდის უნივერსიტეტს თავის დის წიგნთსაცავს და ითხოვს, რომ ქართული ენის კათედრა დაარსონ ოქსფორდის უნივერსიტეტშია.

\* \* სემინარიის ძველ შენობის საკითხი მეტად არა სასურველ მდგომარეობაშია. 2 აგვისტოს გადაწყდება შენობის ბედ იღბალი. ამ დროსთვის დანიშნულია საჯარო ვაჭრობა. შენობა ან უნდა გაიყიდოს, ან იჯარით გაიყოს. როგორც ვიცით, ეს შენობა საქართველოს სამღვდლოებას ეკუთვნის. სინოდი წინად წინადადებას აძლევდა ქართველ სამღვდლოებას ეს ძველი შენობა ხომ თქვენია და თქვენი, ახალი შენობაც თქვენ შეიძინეთო. ეხლა დრონი იცვალენ. ძველი შენობის ბატონ პატრონი სემინარიის გამგეობაა. საჯარო ვაჭრობაში მონაწილეობის მიღებაზე სურვილი განუცხადებია ახლო მახლო სომეხ ვაჭრებს. სხვებს არავის შეუტანია განცხადება. 1875 წელს 35,000 მანეთს საიჯარო ფასს იძლეოდნენ ეხლა კი 15,000 მეტს არ იძლევიან თურმე. საინტერესოა რას ფიქრობს სამღვდლოება ამ შენობის საკითხის შესახებ?

გასაოცარი კითხვაა. სამღვდლოებას არა ვითარი ფიქრობა არ შეუძლია მარტო თავის უმწემსმთავროდ. ყველაფერი ამ სამღვდლოების მწყემსმთავრის სურვილზეა დამოკიდებული. ჩვენ კი გვსურს გავიგოთ: რაღას ფიქრობს საზოგადოება, რომელსაც ემსახურება და რომელსაც ეკუთვნის სამღვდლოება?..





# სწავლა და მეცნიერება ქრისტიანობრივ სარწმუნოებასა და კეთილ, ზნეობაზე.

## გარდამოსვლა სულისა ზმიდისა.

კურთხეულ ხარ შენ, ქრისტე ღმერთო ჩენო, რომელმან ყოვლად ბრძნად მეთევზურნი გამოაჩინენ, მიფინე რა მათ ზედა ყოვლად წმიდა სული შენი, და მათ მიერ ყოველი სოფელი მოინადირე, კაცთ-მოყვარე, დიდება შენდა (ტროპ.)

რაჟამს იგი გარდამოხდა, და ენანი შეუტრინა, მიმოდამყვნა მაღალმან ნათესავნი, ხოლო აწ, რაჟამს ცეცხლისა ენანი განუყვნა, ერთბაშად მიიყვნა იგინი, ამისთვისცა ერთობით ვადიდებთ სულსა ყოვლად წმიდასა, თანასწორსა მამისა და ძისა. (კონდ.)

ქრისტეს ამალღობის მეთავე დღეს მოციქულნი ერთათ იყვნენ. უცებ ზეცით შეიქმნა შუვილი, თითქო მომავალი სასტიკი ქარისა. ამ შუვილით აიშრა სახლი, რომელშიაც მოციქულნი იყვნენ. გამოჩნდნენ თითოზე ცეცხლის ენანი და ყოველსა მათგანს თითო ენა თავს დაადგა. ამ სახით აღივსნენ მოციქულნი სულითა წმიდითა დაიწყეს მათ სხვა-და-სხვა ენებზე ლაპარაკი, როგორც სული აგონებდა მათ. იმ დროს იერუსალიმში, ურიათა გარდა, იყვნენ სხვა-და-სხვა ქვეყნების ერნიცა, მაგ., რომაელნი, ეგვიპტელები, მალამიტელები, მიდნი და სხვა. როდესაც შეიქმნა შუვილი, შეიკრიბნენ ერნი და შეშფოთდნენ, რადგანაც ყოველს მათგანსა ესმოდა თავის ენაზე მოციქულების ლაპარაკი, ყველას უკვირდა და ერთმანეთს შეეკითხებოდნენ: „ყოველნი, ეს მოლაპარაკენი, განა გალილეელები არ არიან? მაშ რო-

გორ ესმის ყოველს ჩვენგანსა თვისი საკუთარი ენა?“ ასე ყოველნი ეჭვობდნენ, ჰკვირობდნენ და კითხულობდნენ: „რას ნიშნავს ესა?“ ხოლო ზოგნი დაცინვით ამბობდნენ: „ამათ დაუღვევიათ ტკბილი ღვინო.“

მაშინ წარმოსდგა მოციქული პეტრე, აღიმალლა ხმა და წარმოსთქვა: „კაცნო ურიანო და ყოველნო იერუსალიმში მცხოვრებნო! ყური უგდეთ ჩემ სიტყვებსა: იგინი მთვრალნი არ არიან, როგორც თქვენ ფიქრობთ. ეს არის აღსრულება იოელის წინასწარმეტყველებისა:

„და იქნება უკანასკნელთა დღეთა, იტყვის ღმერთი უფალი, მიფინო სულისაგან ჩემისა ყოველსა ხორციელსა და იწინასწარმეტყველებენ ძენი თქვენნი და ასულნი თქვენნი და ჰაბუკნი თქვენნი ხილვას იხილვენ და მოხუცთა თქვენთა ჩვენებით გამოვეცხადო. მონათა ჩემთა და მხევალთა ჩემთა ზედა მათ დღეთა შინა მოვფინო სულისაგან ჩემისა და იწინასწარმეტყველებენ. და უჩვენო ნიშნებიცათა შინა და სასწაულნი ქვეყანასა ზედა, სისხლი და ცეცხლი და არმური კვამლისა. მზე გარდაიქცეს ბნელად და მთვარე სისხლათ პირველად, ვიდრემდის მოიწეოდეს დღე უფლისა, დიდი და განჩინებული. და იყვეს, ყოველმან, რომელმან მოუწოდოს სახელსა უფლისასა სცხონდეს.“

ამის შემდეგ პეტრემ მიმართა სიტყვა ებრაელთადმი: „კაცნო ისრაიტელნო! ისმინეთ ესე სიტყვანი: იესო ნაზარეველი, განჩინებული ღვთისა მიერ თქვენდა მომართ ძალითა, ნიშნებითა და სასწაულებითა, რომელნიცა ღმერთმა ჰქმნა მის მიერ თქვენ შორის, როგორც თვით თქვენ იცით ღვთისა გარდაწყვეტილი ზრახითა და წინასწარცნობითა, თქვენ მიიღეთ, და, დაღურსმეთ რა უსჯულოთა ხელითა, მოჰკალით. მაგრამ ღმერთმა აღადგინა იგი და დახსნა სიკვდილის ბორკილნი, რადგანაც მას არ შეეძლო მისი შეპყრობა.. ესე იესო ღმერთმა აღადგინა, რისაც ჩვენ ყველანი მოწმენი ვართ. იგი ამალღდა რა ღვთის მარჯვენითა, მიიღო მან მამისაგან აღთქმა სულისა წმიდისა, და მოჰფინა, რასაც თქვენ ხედავთ და რაც გესმით. დავითი არ ამალღდა ზეცად, მაგრამ იგი ამბობს: „რქვა უფალმან უფალსა ჩემსა: „დასჯედ მარჯვენით ჩემსა, ვიდრემდის დაეხსნე მტერნი შენნი ქვეშე ფერხთა შენთა.“ „ასე, განაგრძო პეტრემ, მტკიცეუ იცოდე, ყოველნო ხალხო ისრაილისაო, რომ ღმერთმა ჰქმნა ესე იესო უფლად და ქრისტედ, რომელიც თქვენ ჯვარს აცვით.“



ებრაელთა, მოისმინეს რა ესოდენ მხურვალე სიტყვა პეტრესი, უთხრეს მას და სხვათა მოციქულთა: „რა ექმნათ ჩვენ, კაცნო, ძმანო!“

ხოლო პეტრემ მიუგო მათ: „შეინანეთ და ნათელ—იღოს თვითვეულმა თქვენგანმა სახელითა იესო ქრისტესითა, მისატყვევებლად ცოდვათა, და მიიღებთ ნიქსა სულისა წმიდისასა, ვინაიღვან თქვენ გეკუთვნით აღთქმა და შვილთა თქვენთა და ყოველთა შორეულთა, ვისაც მოუწოდს უფალი ღმერთი ჩვენი.“ მრავალი სხვა სიტყვებით იმოწმა პეტრემ, დაარიგა ერი და უიხრა: „იხსენით თავი თქვენი ამ გარყვნილ ნათესაობისაგან.“

იმ დღეს სამი ათას სულამდინ იქმნა ნათელღებული, იგინი შეუერთდნენ მოაწმუნეთა. ყოველი სული მოცული იქმნა შიშითა. მრავალნი ნიშნები და სასწაულები ჰქმნეს მოციქულებმა იერუსალიმში. შემდეგ წარვიდნენ იგინი საქადაგებლად ყოველსა კუთხესა ქვეყნისასა. ყოველგან გაისმა ხმა მათი ზეციერი სწავლისა.

ეს სწავლა, ეს საუნჯეთა საუნჯე, ეს საზრდო უხრწნელებისა დაცულია ქრისტეს ეკლესიაში. მაგრამ შეიღნი მისნი მოკლებულნი არიან ამ სწავლასა. აი უბედურებათა უბედურება ამიტომ იგინი გატაცებულნი არიან მრავალ-გვარ ბიწიერების გზაზე... ჩვენ ვსწუხვართ მომატებულად თანამემაულე ქართველთათვის. ჩვენს ეკლესიას არა ჰყავს, მაგ., რიგიანნი მკითხველნი ღვთის-მსახურების დროს, რომ ვინმემ შეგნებით შესმინოს ცოტაოდენი რაიმე. არ ისმის აქ არც ხმა სწავლადარიგებისა, რომელიც საჭიროა მეტადრე ეხლა, როდესაც ასე ბლომად იხოცებიან სიტყვიერნი ცხოვარნი ბიწიერების მწარე სენითა... ქრისტიანე—ერი, ხორციელობის შიმშილზე მოჩივარი, სულითაც მშიერი. ორივე მხრივ შევლა უნდა მას. ეს უნდა შეიგნონ მათ, ვინც მოვალენი არიან..

სასურველია, ფრიად სასურველია, რომ ჩვენი საყვარელი დედა—ეკლესიის წიაღზე აღიზაერდნენ იმისთანა შეიღნი, რომ შეიძლონ მათ მისი აღყვავება. ეს შესაძლებელია, უკეთუ იქმნება სარწმუნოება. ეს შესაძლებელია მისივე შემწეობითა, ვინც გამოაჩინა მეთევზენი ყოვლად—ბრძნად, როგორც გვაგონებს დღევანდელი ტროპარი,—ვინც მოჰფინა მათზედა ყოვლად წმიდა სული თვისი, და მათი ქადაგებითა ყოველი სოფელი მოინადირა, ე. ი., ცოდვისაგან განადირებული, გამხეცებული ადამიანის ბუნება ანგელოზებრივ ბუნებად გარდა-

აქცია, ყოველ ადამიანში, რომელიც სარწმუნოებით შეჭლალადებს მას: „კურთხეულ ხარ შენ, ქრისტე ღმერთო ჩვენო, დიდება შენდა.“

შეგნებითი ქადაგება ზეციერი სწავლისა, სიყვარულით მოცული მხურვალე სიტყვა, ცოცხალი მაგალითით შემკული, მწველი გულისა ფრიად საჭიროა ცოდვისაგან განადირებული ადამიანისთვის... მისი ბუნება მუდმივ საჭიროებს ზეციერ ნათელს, რომელიც არის სიტყვა ღვთისა. ამ სიტყვის კითხვას უნდა შეეფვიოს ყოველი ქრისტიანე, რომ გონება მისი ნამდვილად განათლდეს, გული მობრილდეს, ნება კეთილზე დამყარდეს.

„რაჟამს იგი გარდამოხდა, და ენანი შეურინა, მიმოდაყვნა მაღალმან ნათესავნი“... ამ საგალობელის შინაარსი ასეთია:

ძველ აღთქმაში ქამის ჩამომავლობამ დაიწყო აშენება ქალაქი ბაბილონისა და კოშკისა სიმალლით ცამდინ. ეს ამაყური განზრახვა წინააღმდეგი იყო ღვთის წინაშე. მაშინ იგი, მაღალი ღმერთი, სამებით გარდამოხდა ზეცით და შეურია ენა მაშინდელ სამ ტომსა: სიმისა, ქამისა და იაფეტისას, რომელნიც ადვილად მონაწილეობდნენ შენობაში, ამიტომ რომ სამივე ტომი ერთ ენაზე ლაპარაკობდა. შეურია, ე. ი., ამ სამ ტომში თვითვეულს ღმერთმა მისცა განსაკუთრებითი ენა ისე, რომ ერთ ტომსა მეორე ტომის ენა არ ესმოდა. ამ საშუალებით „მიმოდაყვნა მაღალმან ნათესავნი,“ ე. ი., დააშორა ერთმანეთს სამი ტომი ასე, რომ, რად, განც აღარ ესმოდათ მათ ერთმანანეთის ლაპარაკი, თავი დაანებეს შენობასა. ამის გამო იგინი ტომობით წავიდნენ ქვეყნის სხვა-და-სხვა მხარეს. შემდეგ, როგორც კაცობრიობა გამრავლდა, ასე ენებიც გამრავლდნენ იმ ძალითა, რომელიც ყოვლად-ძლიერმა შემოქმედმა დაანერგა ადამიანს ბუნებაში სიტყვა „ბაბილონი“ ნიშნავს: „შერევასა.“

ეს სასწაული მოხდა ძველი აღთქმაში. „ხოლო აწ (ახალ აღთქმაში) რაჟამს ცეცხლისა ენანი განუყვნა, (დაურიგა ღმერთმა მოციქულებს) ერთბაშად მიიყვნა იგინი (დაშორებულნი კაცობრიობის ტომნი სარწმუნოებით შეაერთა ღმერთმა) ამისთვისცა ერთობით (თანხმობით, მრავალ ენაზე) ვადიდებთ სულსა ყოვლად წმიდასა, თანასწორსა მამისა და ძისა“—ვადიდებთ ერთსა ღმერთსა სამ პიროვანსა, ანუ ღმერთსა სამებასა.

დიდ ხარ, უფალო, და საკვირველ არიან საქმენი შენნი!..



**ზ ა ნ ც ხ ა ღ ე ბ ა ნ ი .**

**ი ა კ ო ზ ვ ო რ გ ე ბ ა უ შ ვ ი ლ ი ს წ ი გ ნ ე ბ ი :**

ღედა-ენა, მეჩვიდმეტე გამოცემა, 278 ათასი. წიგნი სახელ-გაკეთებულია (რეკომენდovანა) სამინისტროსაგან მოწონებულია და სინოდისაგან. ფასი უღით ორი აბაზი.

ბუნების-კარი. მეთორმეტე გამოცემა, 62 ათასი, სახელ-გაკეთებულია (რეკომენდovანა) სამინისტროსაგან, როგორც „მშენიერი სახელმძღვანელო“, და მოწონებულია სინოდისაგან. ფასი უღით ოთხი აბაზი.

კოკარი, მეთორმეტე გამოცემა, 60 ათასი. მოწონებულია სამინისტროსა და სინოდისაგან. ფასი ორი აბაზი.

სამდი, ანუ რჩეულთა ლექსთა კრებული, მეორე გამოცემა, 2,400 ცალი. მოწონებულია ორისავე უწყებისაგან. ფასი ექვსი შაური.

კუნწულა, ანუ კრებული რჩეულის მოთხრობებისა ევროპისა და რუსეთის მწერლებისა, 1,200 ცალი. მოწონებულია სამინისტროსა და სინოდისაგან. ფასი ორი აბაზი.

იაფნანამ რა ჰქმნა? მოთხრობა, ცხრა სურათით, გამოცემა მესამე, 7,200 ცალი. ფასი ერთი შაური. ხატის მიზეზი, მოთხრობა, 1,200 ცალი. ფასი ერთი შაური.

თავდადებულნი ქართველნი, მეორე სურათებიანი გამოცემა, 8,600 ცალი. ფასი 7 კაპ.

მასჯღის მტველნი, ანუ სასარგებლო ცხოველები და ფრინველები სურათებიანი გამოცემა, 2,400 ცალი. ფასი ერთი აბაზი.

გრეკლე მეფე და ინგილო ქაღი, ისტორიული მოთხრობა, 6,000 ცალი, ორი სრუათით. ფასი ერთი შაური.

სხივი წარსულისა, ისტორიული ამბავი, 2,400 ცალი. ფასი ერთი შაური.

საჩაქო თავგადასავალი, 1,200 ცალი. ფასი ორი შაური.

ძირითადი უკუღმართობა, 1,200 ცალი. ფასი ერთი აბაზი.

აკადო, ანუ კრებულის აყმაწვილო და სახალხო მოთხრობათა, გამოცემა წიგნების გამომცემე-

ლის ქუთათურის ამხანაგობისა. ფასი სამი შაური, „ღედა-ენის“, „ბუნების-კარის“, „ძოკორისა“, „აკიდოსი“ და „Русское Слово“-ს გარდა ყველა სხვა აქ ჩამოთვლილი წიგნები რიცხვით თექვსმეტი ავტორს შეწირული აქვს წერა-კითხვის საზოგადოებისთვის.



**ხ ა ტ ე ბ ი და მ ხ ა ტ გ რ ო ბ ა ნ ი .**

იმექონებიან პატარა იაფ-ფასიანი-ხატები ფიცარზე სამ-ოთხ გოჯიანი ფასი 5-10 კ. ხატები არის მაცხოვრის, ივერიის ღვთის-მშობლის, წმიდა გიორგის, ანდრია მოციქულის, პირველ წოდებულისა და ათორმეტთა დღესასწაულთა. ვინც დაიბარებს ხატებს არა ნაკლებ ოცისა, იმათ ჩვენს საქართლოში ყველგან ფოსტის გასაგზავნი არა გარდასდება ამასთან იმექონება სქელ ქაღალდზე ნახატი წმიდა ნინასი, საქართველოს განმანათლებელისა ვარაყით 6+7 გოჯიანი ფასი 15 კ. ფოტო-ტიპით დახატული წმიდანი მთავარ-მოწამენი დავით და კონსტანტინე 6+5 გოჯიანი ფასი 5 კ. ამავე ზომისა და ამისთანავე სახით წმიდა ნინო ქართველთ განმანათლებელისა და დავით აღმაშენებელისა ფ. თითოასი 5 კ.

ვინც ზემო აღნიშნულ წიგნებს გამოიწერს არა ნაკლებ ერთი თუშნისა, მას მანეთზე დაეთმობა 30 კ. ვინც ორ კაპიკიან წიგნაკებს დაიბარებს არა ნაკლებ ასი ცალისა, ის ფოსტოთ გასაგზავნს არ იხდის.

იმექონება აგრეთვე მრავალი პატარა გულ საკდი ხატები ფერგადუვალი ლითონისა, სახელდობრ: ნინოსი, დავით და კონსტანტინესა, დავით აღმაშენებლისა, თამარისა, ანდრია პირველ წოდებულისა და წმიდა გიორგისა, ფასი თითოასი 5 კ. ვინც ასს დაიბარებს ნაღდ ფულზე, მას გაგზავნით დაეთმობა სამ მან. ესეთი იმექონებიან ვერცხლისა, ფასი 40 კ.

Дозволено Цензурою 30 Июля 1910 года г. Кутаисъ  
რედაქტორ-გამომცემელი დეკ. დ. ლამბაშიძე,

სტამბა ჟურნალის „მწყემსი“-ს რედაქციისა (დეკ. დ. ლამბაშიძისა) ყვირილა საკუთარ სახლში.